

PEMBERITAHU PERTANYAAN DEWAN RAKYAT

PERTANYAAN : **LISAN**
DARIPADA : **PUAN TERESA KOK SUH SIM [SEPUTEH]**
TARIKH : **12.6.2014**
SOALAN :

Puan Teresa Kok Suh Sim [Seputeh] minta **MENTERI PENDIDIKAN** menyatakan perkembangan terbaru pada Sekolah Kebangsaan Danau Perdana yang terbengkalai demi keselamatan bangunan. Apakah yang akan dilakukan oleh Kementerian untuk mengatasi masalah bangunan tersebut yang telah menjadi tempat pembiakan nyamuk dan tempat pembuangan sampah, di samping menjadi tempat perlindungan bagi penagih dadah.

JAWAPAN

Tuan Yang di-Pertua,

Prosiding timbangtara bagi kes projek SK Danau Perdana telah diputuskan oleh *Kuala Lumpur Regional Center for Arbitration* (KLRCA) pada 21 November 2012 yang mana KLRCA telah menolak tuntutan daripada pihak penuntut, iaitu Dewan Perniagaan Melayu Kuala Lumpur terhadap Kerajaan Malaysia. Lanjutan kepada keputusan tersebut, Kerajaan Malaysia dibenarkan membuat tuntutan balas terhadap pihak Penuntut. Sehubungan itu, proses timbangtara di peringkat tuntutan balas Kerajaan Malaysia terhadap pihak Penuntut sedang dikendalikan oleh kamar Jabatan Peguam Negara.

Untuk makluman Ahli Yang Berhormat, Kementerian Pendidikan Malaysia (KPM) sedang dalam proses pelantikan perunding bagi tujuan menilai tuntutan ganti rugi kerosakan bangunan SK Danau Perdana. Peruntukan juga telah disalurkan kepada

Jabatan Pendidikan Wilayah Persekutuan Kuala Lumpur bagi urusan penempatan kawalan keselamatan dan perkhidmatan pembersihan kawasan sekolah berkenaan secara berkala (3 bulan sekali) bagi mengelakkan kawasan berkenaan dicerobohi dan dikotori. Kebersihan di tapak berkenaan juga akan dipantau sehingga proses timbangtara antara pihak kerajaan (KPM) dan kontraktor selesai.

Rjm64